

# श्री वसुन्धरा व्रत कथा धारणी

(द्वादशाक्षर, चतुःत्रिंशाक्षर व सुचन्द्रावदान)



ने.सं. ११२४ भाद्र कृष्ण तृतीया (गातिला) २७ गते दिं कुन्हु  
थुगु सफु दानयानागु पुण्य याकै सकलें बुद्धपद लायमा ।





# श्री बसुन्धरादेवी ब्रत कथा धारणी

(द्वादशाक्षर, चतुःत्रिंशाक्षर व सुचन्द्रावदान)

हिरण्यवर्ण महाविहार, क्वाःबहाल

वि.सं. २०६०

मुठहः

आशारत्न बज्राचार्य

ल.पु. न्याखाचोक फोन : ५५ ३४ ६९४

ग्वाहालियाठहः

भिमरत्न शाक्य

ल.पु. नागवहाल (कुटिवहाल),

फोन नं. ५५ ३७ ९७५ / ५५ २७ ३४४

पिकाठहः

नानिबेटी शाक्य

ल.पु. कोपुण्डोल

फोन : ५५ २९ ४८४

# श्री बसुन्धरादेवी नमः



हिरण्यवर्ण महाविहारया श्री बसुन्धरादेवी

दिवंगत नेमरत्न शाक्यया  
जहान, किजा व कायपि

जहान : नानीबेटी शाक्य  
किजा : मोहन रत्न शाक्य  
काय् : उत्तम रत्न शाक्य  
काय् : दिपक रत्न शाक्य  
काय्चा : प्रबल रत्न शाक्य

पिकाम्हः

नानीबेटी शाक्य

खाछै, यल

नेपाल

फोन : ५५ २१ ४८४



## छत्वा खँ प्रार्थनायाना

नेपाल अधिराज्य प्रादुर्भाव जुयाच्चंगु अनेक पवित्र बौद्धविहार स्तुप चैत्य व तीर्थस्थले इलेविले ल्हासा चीन तथा भारतं यात्रापिं दर्शनार्थ वय्गु चलन दयानं नेवातसें थःपिसं मानेयाना वया च्वनागु नवग्रन्थ धर्म व धर्मया मूल तथागत सम्यक्सम्बुद्ध श्री शाक्यमुनियागु जीवनी ललितविस्तर ग्रन्थ पाठयाना ।

श्री शाक्यमुनि भगवान सम्यक्सम्बुद्धं सुचन्द्रगृहपतियात उद्धार याना बिज्यागु उक्त ग्रन्थ अध्ययन याना बिज्यागु जूल ।

श्री बसुन्धरा देवीयागु गुणमहात्म्य कना तिलाव्रत दनेगुयात धासा धन धान्य सम्पूर्ण जुया वै भगवानया आज्ञानुसारं सुचन्द्रगृहपतियात उद्धार यानाबिज्यात ।

ल.पु. खाछेंया स्व. देवरत्न शाक्य व पूर्णकुमारी शाक्यया परिवार स्व. नेमरत्न शाक्यं श्री बसुन्धरा व्रत सदानं चले यायत गुरुपिंके व्रत दनेगु लागि ज्ञान खँ न्येना व हिरण्यवर्ण महाविहारस तारेमाम संघ भजनयापिंके नं मागु सल्लाह अनुसारं बसुन्धरा व्रतयात अक्षयकोष तथा चलेयाना बिज्यागु जूल ।

वस्पोल विक्रम सम्वत् २०५९ साल कार्तिक शुक्ल मुखाष्टमी दिन कुन्हु ६४ दँया वर्षे अल्प आयु शरीर त्याग याना वम्ह नेमरत्न शाक्यया नामं श्री बसुन्धरा व्रत- सुचन्द्रा वदान सफु २०६० साल भाद्र २७ गते तृतिया दिनस थुगु ग्रन्थ दान यागु जूल थुगु पुण्यया प्रभावं सकलया दरिद्र दुःख नास जुया सुख शान्ति सदा सर्वदां शुभ मङ्गल जुयमा अनागत तकनं दुःखया पुसाहे मदय्मा ।

दिवंगत नेमरत्न शाक्य प्रमुखं सर्वसत्त्व प्राणिया दुर्गतिद्वार बन्धजुया सुखावति भुवनस बास लायमा ननानं जगत प्राणि उद्धार जुयमा ।

प्रार्थना याम्हः

भिमरत्न शाक्य, नागबहाल

सद्धर्म सुरक्षा संघ गुम्बा,

सह-सचिव



ॐ नमो बुद्धाय ॐ नमो धर्माय ॐ नमो संघाय नमः

### श्री गुरुयात दण्डवत

संसारे नां दंगु “हिरण्यवर्ण महाविहार” या सुपुत्र “देवरत्न शाक्य व पूर्ण कुमारी शाक्य” या स्वम्ह म्ह काय् नेमरत्न शाक्य ल.पु. खाछंटोल निवासी हाल (कोपुण्डोल) स्ववासि धर्मचित्त समाजसेवी, लोकप्रियम्ह “नेमरत्न शाक्य” याना बिज्यागु अत्यन्त स्मरणीय लुमंके बहःम्ह । वसपोल दुबले विहार, महाविहार स्थान स्थाने जिणोंद्वार आदि जग्गादान, गुम्बादान, चैत्य निर्माण, धर्मधातु मण्डल षडक्षरी मन्त्रया माण्य, स्थापना याना बिज्यागु व बहि बिहार, गुम्बाय् चित्र आदि च्वका दिपज्वाला च्याका, अष्टमण्डल, छत्र, ध्वञ्ज, पताक, इलां, गजु आदि पिण्डपात्र, पूजाज्वलं पाठपूजा सफू छापेयाना दानयाना बिज्यागु जुल । थम्हनं नित्य नित्य “नाम संगीती, भद्रचरी” व देव देवीया पाठपूजा जपयाना बिज्याम्ह इले बिले श्रीगुरु पिनिगु ध्यान ज्ञानन्यना भिक्षु संघपिन्त भोजनदान, अक्षयकोष तथा “श्री बसुन्धरा व्रत” आदि सदानं “देव देवीपिन्त” पूजा याय्गु व सर्वसत्त्व प्राणिपिं सकलयाँ धर्मचित्त पुण्यप्राप्त जुया सुखशान्ति जुयमा धका मतितया बिज्याम्हया मिति बिक्रम सम्वत् १९९६ साल श्रावण शुक्ल नवमी जन्मजुया २०५९ साल कार्तिक शुक्ल मुखाष्टमी दिनकुन्हु वसपोल ६३ दँ फुना ६४ दँया वर्षे अल्पआयु शरीर त्यागयाना अनित्यगु थ्व संसार नित्य धाय्गु छुंहे मदुगु सिकाथिवका दिवंगत जुया बिज्यात । वसपोलं देछाना बिज्यागु पुण्यया प्रभावं सर्वसत्त्व प्राणिपिं सकल्यें सुखाबति भुवने बासलायमा धका कामनायाना ध्यान याय्गु थुगुलोक व सकल परिवारयात त्यागयाना सुखाबति भुवने “श्री अमिताभ तथागत” या सन्मुखे पद्मोपन्न जन्मजुया श्री भगवानया दर्शनलाना धर्मदेशना न्यना वसपोलं हानं सकलयात हे उद्धार यायत सद्धर्म प्रज्ञाज्ञान लाना क्लेशावरण, ज्ञयावरण छुते जुया बोधिचित्त उत्पन्न जुईमा । सर्व मङ्गल जुईमा ।

जहान- नानीबेटी शाक्य

ल.पु. कोपुण्डोल

काय्पीः उत्तमरत्न शाक्य व दिपकरत्न शाक्य

फोन : ५२१४८४

सकल परिवार खाछें यलः ।



## बसुन्धरा देवीया परिचय

तथागतया सम्यक वाणी पिज्वगु उच्चकोटी ज्ञान दर्शन यात बौद्ध दार्शनिक आचार्य पिसं विभिन्न प्रकारं ब्रत विधान दयका बौद्ध दर्शनया शिक्षा दिक्षा विईगु प्रचलन याना वंगु दु । श्व मध्ये प्रचलनगु ब्रत त धर्मधातु ब्रत, अष्टमी ब्रत (उपोषध ब्रत), तीला ब्रत (गातिला) त खः ।

प्रचलित ब्रतत मध्ये भाद्र कृष्ण तृतीय खुन्हु यें, यल, ख्वपय, गां गामय, त्वा त्वाल्य तीला ब्रत (गातिला) आतकनं तस्सकं लोक प्रिय जुया चले जुया वया च्वंगु दु ।

तिला ब्रतया आराध्य देवी माता बसुन्धरादेवी खः । महायान धर्मावलम्बी तय्सं वसपोल यात भू-सम्पत्तिया देवी धका माने याना वया च्वंगु दु । वसपोल यागु ब्रत पाखें प्राणी मात्र यात सन्तान, आयु, गुण, जस, धन, प्रज्ञा व सुख समेत सप्त वृद्धि परिपूर्ति याना दरिद्र रूपी समुन्द्रं तरे याना विई । उकिं माता बसुन्धरा देवीया ब्रत यात नेपालय् विशेष याना उपत्यकाया बौद्ध धर्मावलम्बी तय्सं त धंगु स्थान बिया वया च्वंगु दु ।

वसपोल बसुन्धरा देवीया खुका ल्हा दु । विभिन्नं ल्हातं ज्वना विज्यागु ज्वसाया महत्व कथं रत्न ज्वना तःगुया महत्व वसपोल पृथ्वीस उत्पत्ती जुया च्वंगु अष्ट धातु, रत्न, जवाहरात आदिया स्रोतया रूपं कया वया च्वंगु दु । जप माला ज्वना तःगुया महत्व योग, वागुँई ज्वना तःगुया महत्व अन्नया स्रोत, सफूया महत्व कथं प्रज्ञा ज्ञानया स्रोत, पूर्ण कलशया महत्व कथं आयु, पुण्य, ज्ञान, गुण, कर्म, सिद्धिया स्रोतया रूपं कया वया च्वंगु दु । मेगु छका ल्हातं प्राणी पिनिगु उद्धारया लागि वरदान बिया विज्याना च्वंगु दु ।

उपत्यकाय् दुने वसपोल यागु मूर्ति दया च्वंगु मध्ये करीब ९०० दैं ति पुलांगु मूर्ति ठीमीया इ देशे दु । श्व मूर्ति मे मेगु मूर्ति सिकं पुलां । मेगु पाँगा देशय् दु । मेगु तंग बहालय् दुने नागवहाल (इल्हने) सम्यकय् बिज्याई किम्ह खः । स्वयम्भूया दक्षिण पाखे बसुपुर थासय् बिज्याम्ह बसुन्धरा व गोदावरी “कुण्डया” दुने भिनिदय् तीर्थया मेला जुईगु थासय् बिज्याना च्वम्ह बसुन्धरा देवी नं खः । महाराजगञ्ज पाखे बसुन्धरा द्वं धका धयागु थाय् दु । थन पुलांगु मूर्ति मदु ।

तीलाब्रत दनीवले वसपोलयागु महत्वयात कया कनीगु बाखँया आधारे ने.सं. १०५१ स छम्ह श्रद्धा व भक्तिं जाम्ह कविं चिना तःगु जम्मा ७७ पु त्वा दुगु मध्ये श्व सफूलि ५ पु त्वा जक दुथ्याका तया ।



## ॥ श्री बसुन्धरादेवी शरणः ॥

तिलाव्रतया आराध्य देवी माता बसुन्धरा देवीया व्रतदना सकसिनं  
पुण्य संचय याय् फय्मा धयागु मती तया यल, खाछेंया स्व. पूर्ण  
कुमारी शाक्य, स्व. नेमरत्न शाक्य, श्री मोहनरत्न शाक्य व  
श्री सम्यकरत्न शाक्य पिनीगु आर्थिक ग्वहालीं हिरण्यवर्ण महाविहार  
तारेमाम संघयागु ग्वसालय् हिरण्यवर्ण महाविहार, क्वाबहाले २०४९  
सालं निसें दय् दसैं बसुन्धरा व्रतदंका वयाच्चंगु दु । थुकीया पुण्यं  
वसपोल दिवंगत जुया बिज्यापिन्त माता बसुन्धरा देवीया तुषिता-  
भूवनय् बास लाना न्हिया न्हिथं वसपोलया दर्शन दय्मा मेपिन्तनं  
सदां सदां शुभ कल्याण जुईमा धका आशिका याना ।

हिरण्य वर्ण महाविहार

तारेमाम संघ

नागबहाल



## लिपिशाला सन्दर्शन परिवर्तः

श्री भगवानं आज्ञादयका बिज्यात । हे भिक्षुगणपिं बोधिसत्व न्याद फुना खुदँ दसेलि शाक्यगणपिं मुंका शुद्धोदन महाराजाया न्ह्योन्ह्यो बिज्याना सर्वार्थ सिद्ध राजकुमार प्रमुखं भिद्धम्ह द्वारकापिसं सहित याना द्वलंदो कन्यापिसं पूर्णघट ज्वंका मार्ग शुद्धयाना कपिलवस्तु महानगरं सिंधुर जात्रायाका गमन याना बिज्यात थ्व वेलस आकाश स देव कन्यापिसं पुष्प वृष्टि याना हल ।

हानं द्वलंदो देव नाग यक्ष गन्धर्व असुर गरूड किन्नर महोरग गणपिसं सुपाचस बिज्याना स्वाँमाला ज्वना स्वया च्वन । थुगु प्रकारं महामङ्गल जात्रायाना कथंथे पाठशाला द्वाहाँ बिज्यात ।

गुरु विश्वामित्र दारकाचार्य राजकुमार द्वाहाँ बिज्यागु खना राजकुमार यागु तेज स्वय मफया अधोमुख याना पृथ्वीस भ्वसुना च्वन ।

थ्व वलेस तुषिता भुवनं सुभांग धैम्ह देवपुत्र क्वहाँ बिज्याना जवगु ल्हातं विश्वामित्रयागु कपाज्वना थना आसने फेतुका शुद्धोदन महाराज प्रमुखं सकल लोकयागु ख्वास्वया आज्ञा दयका बिज्यात ।

हे लोकपिं थ्व संसार गुलित शास्त्र दैच्चन संख्या लिपि गणना धातु तन्त्र शिल्प कार्य दक्वं पूर्व जन्मे स्यनावय धुंकल । थ्वसपोलं मस्यूगु छुदु तर छु धाःसा असंख्य दारकापिन्तं स्यनेकने याना मोक्षं वनेगु मार्गेतया मोक्ष छ्वयाबी धका पाठशाला बिज्यात । थ्वसपोलं थगू आर्यसत्य यागु धर्म हेतु प्रतीत्य समुत्पाद ज्ञान, निरोध ज्ञान आदिं संस्कृत स्मृतिभाव यागु ज्ञान दक्व स्यूम्ह लिपि शास्त्र मसैला, स्वर्ग मर्त्य पाताले च्वनाच्चपिं देव नाग



मनुष्यपिसं लिपिज्ञाने श्वसपोल यात सुनानं फैमखु, सकसिवे जाःम्ह, श्वसपोलं  
सिक्व छिमिसं सीमखु । पूर्व जन्मे कल्प कोटी प्रमाणं जन्म कया स्यना  
बिज्याय धुंकल, श्वसपोलं स्वयमात्र नं दक्वं सयका काई ।

हानं रूपआकार छुंखने मदुगु थथिंगु बस्तुयागु गतिथथे धका स्यूम्ह  
धका प्रशंसा याना स्वाँ पासलं ह्वला नमस्कार याना अन्तर्ध्यान जुयावन ।

थनंलि सर्वार्थसिद्ध राजकुमारं विश्वामित्र गुरुया न्ह्योने बिज्याना  
आज्ञादयका बिज्यात । हे गुरु विश्वामित्र, संसारे छवीप्यता लिपिदु छु छु  
लिपि धाःसा-

१) ब्राम्ही २) खरोष्ठी ३) पुष्करसारि ४) अंग ५) बङ्ग ६) मगध  
७) मङ्गल्य ८) मनुष्य ९) अंगुली १०) शकारि ११) ब्रम्ह वल्ली १२) द्राविड  
१३) किनारि १४) दक्षिण १५) उग्र १६) संख्या १७) अनुलोम १८) अर्धधनु  
१९) दरद २०) खास्य २१) चीन २२) लून २३) हूण २४) मध्याक्षरविस्तर  
२५) पुष्प २६) देव २७) नाग २८) यक्ष २९) गन्धर्व ३०) किन्नर ३१) महोरग  
३२) असुर ३३) गरूड ३४) मृगचक्र ३५) मरूल ३६) भौम देव ३७) अन्तरीक्ष  
देव ३८) उत्तरकुरु द्वीप ३९) अपरगोडानी ४०) पूर्व विदेह ४१) उत्क्षेप  
४२) निक्षेप ४३) विक्षेप ४४) प्रक्षेप ४५) सागर ४६) वज्र ४७) लेखप्रतिलेख  
४८) अनुद्रुत ४९) शास्त्रा वर्ता ५०) गणना वर्त ५१) उत्क्षेपा वर्त  
५२) निक्षेपा वर्त ५३) पाद लिखित ५४) द्विरुत्तर पदसंधि ५५) यावद्दशोत्तर  
पदसंधि ५६) अध्यहारिणि ५७) सर्वरुत संग्रहणी ५८) विद्यानुलोम  
५९) विमिश्रित ६०) ऋषितपस्तप्ता रोचमाना धरणी प्रेक्षिणी ६१) गगन  
प्रेक्षिणी ६२) सर्वौषधि निष्यन्दा ६३) सर्वसार संग्रहणी ६४) सर्वभूतरुतग्रहणीम् ।

थुलिमध्ये न्हापां जित छु लिपि स्यना बिज्याय त्यना आज्ञादयका  
बिज्याहुँ धका राजकुमारं आज्ञा दयकुगु न्यना विश्वामित्र आचार्य आश्चर्य



चाया शास्त्रयागु अभिमान घटये ज्वीका मुसुहुँ न्हिला मती चिन्तना याना बिज्यात । अहो आश्चर्य ! थ्व कुमारजा सकल शास्त्रे पूर्णजुया बिज्यायधुंकुम्ह खनी, थ्वसपोलं मनुष्य लोकपिन्त ज्ञान प्रकाशयाय धका मर्त्यमण्डले अवतार काबिज्यात । थ्वसपोलं आज्ञादयका बिज्यागु लिपियागु नां हे दक्वं जिं मस्यू थथिंम्ह सत्पुरुषं जिके लिपि स्यने धका थन लिपिशालास बिज्यात । थ्व राजकुमारया छ्वाःयागु तेजंहे जिं बांलाक स्वयमफु, थ्वसपोलयात जिं गथे लिपि विद्या स्यने ? थ्वसपोल समान विद्यावान् संसारे मैपिं सुंमदु देवतापिनिनं अति देवता जुया बिज्याम्ह थथिंम्ह शुद्धसत्त्व राजकुमारयात लिपि विद्या स्यनेत थ्वसपोलयागु हे अनुभावं लिपिविद्या स्यनेधका मती तया राजगुरु विश्वामित्र आचार्य बोधिसत्त्व प्रमुखं भिद्वल कुमारपिन्त ब्वंकेत लिपि च्वया बिज्यात ।

न्हापां (स्वरवर्ण, द्वादशाक्षर)

मा आखः भिंनिगः ।

अ आ इ ई उ ऊ ए ऐ ओ औ अं अः ।

(व्यञ्जनवर्ण, चतुःत्रिंशाक्षर)

बा आखः स्वीप्यंगः ।

क ख ग घ ङ च छ ज झ ञ ट ठ ड ढ ण त थ द ध न

प फ ब भ म य र ल व श ष स ह क्ष ।

थुलि (वर्णमाला) आखः चोया ब्वंका बिज्यात । थ्व वेलस बोधिसत्त्वयागु प्रभावं भिद्वल कुमारपिसं अ आ इ ई, क ख ग घ ङ आदि आखः ब्वंबले छगः छगः आखलं छगु छगु विशुद्धि शब्द पिहाँवल । गथे धाःसा—

अ) धका आख ब्वंबले 'अनित्यः सर्वसंस्कारः' संस्कार दक्व अनित्य— संसारे दयाच्चवंक वस्तु, छँ बूँ, धन द्रव्य, लुँ, वह, रूप यौवन,

काय म्हचाय कलाः, राज्य इत्यादि अनेक प्रकारयागु सुखभोग सम्पूर्ण अनित्य धैगु शब्द पिहाँवल ।

आ) धका ब्वंबले 'आत्म परहितः' आत्मा (शरीर) यात थः कतः उथें खना परहित यायगु ज्याय ख्यलेमा धैगु शब्द पिहाँवल ।

इ) धका ब्वंबले 'इन्द्रिय वैपुल्यम्' इन्द्रिय धैगु भिगु-  
मिखा, न्हायपं, न्हाय, म्ये, छ्यंगु थ्व न्यागुयात बुद्धीन्द्रिय धाई,  
गुदद्वार भग-लिङ्ग, ल्हा, तुति वचन थ्व न्यागुयात कर्मेन्द्रिय धाई ।  
थ्व भिगुयात जितय यायगु महाकष्ट, थुलियात जितय यायफुम्ह,  
तःधंम्ह महापुरुष ज्वी धैगु शब्द पिहाँवल ।

ई) धका ब्वंबले 'ईति बहुलं जगत्' ईति धैगु न्हयगु-  
आपालं जलबृष्टि जुइगु, जलबृष्टिहे मजुइगु, क्वोब्बीचा, छुं, वाउँभत्तु,  
थःगु चक्र, परयागु चक्र बढे जुइगु थ्व न्हयगुयात ईति धाई  
थ्व न्हयगु जगतयात नाशवान् धैगु शब्द पिहाँवल ।

उ) धका ब्वंबले 'उपद्रव बहुलं जगत्' जगते पापं याना अनेक उपद्रव  
ज्वीगु भय दु धैगु शब्द पिहाँवल ।

ऊ) धका ब्वंबले 'ऊनसत्त्वं जगत्' लोके प्राणीया जीविका जुया चवनेगु  
कर्म अर्थात् (अस्थिर) धैगु शब्द पिहाँवल ।

ए) धका ब्वंबले 'एषणा समुत्थान दोषः' संसारे जन्म जुया कलाः काय  
म्हचाय धनद्रव्य इत्यादि दयमा धका तृष्णा उठय ज्वीगु दोष धैगु  
शब्द पिहाँवल ।

ऐ) धका ब्वंबले 'ऐरपथः श्रेयान' वैराग्य, बोधिज्ञानयागु मार्ग तःधं धैगु  
शब्द पिहाँवल ।

ओ) धका ब्वंबले 'ओघोत्तरः' संसार यागु समुद्रं उत्रे ज्वी फयकेमा धैगु  
शब्द पिहाँवल ।



- औ) धका ब्वंबले 'औपपादुकः' न्ह्यागुं थःथमं हे ज्वीगु सिवाय मेवं ज्वीगु मखु धैगु शब्द पिहाँवल ।
- अं) धका ब्वंबले 'अमोघोत्पत्ति' सितिकं मवंगु ज्ञान दयकेमा धैगु शब्द पिहाँवल ।
- अः) धका ब्वंबले 'अस्तं गमनः' जन्म जुसेली मरण जुया वनेमा धैगु शब्द पिहाँवल ।
- क) धका आख ब्वंबले 'कर्मविपाकावतारणः' पूर्वजन्मयागु कर्मफल स्वरूप थुगु जन्म-  
थम्हं यानावैगु पूर्व जन्मयागु कर्मफल भिंगु जूसां मभिंगु जूसां थम्हं हे भोग यायमा थम्हं यानागु कर्मफल अवश्य मेपिसं याईमखु । अथेया नितिं बांलाक बिचार याना भिंगु ज्या यायमा धैगु शब्द पिहाँवल ।
- ख) धका ब्वंबले 'खसम सर्वधर्मः' संसारे सकलधर्म आकाश थें शून्यस्वरूप धैगु शब्द पिहाँवल ।
- ग) धका ब्वंबले 'गम्भीर धर्मप्रतीत्य समुत्पादावतारणः थाःगाः मदुगु द्वादशाकार प्रतीत्य समुत्पाद ज्ञान म्हसीकेमा धैगु शब्द पिहाँवल ।
- घ) धका ब्वंबले 'घनपटलाविद्यामोहान्धकार विधमनः' अविद्या रूपी ख्वातुक तोपुयाच्चंगु अन्धकारयात नाश यायमा धैगु शब्द पिहाँवल ।
- ङ) धका ब्वंबले 'अङ्ग बिशुद्धिः' शरीरयात शुद्ध यायमा धैगु शब्द पिहाँवल ।
- च) धका ब्वंबले 'चतुरार्यसत्य पथः' प्यंगु आर्यसत्य-  
दुःख, दुःख समुदय, दुःख निरोध, दुःख निरोध गामिनी प्रतिपद् थ्व प्यंगु म्हसीकेगु तःधंगु मार्ग धैगु शब्द पिहाँवल ।
- छ) धका ब्वंबले 'छन्दराग प्रहाणः' विषययागु आशय यात त्याग यायमा धैगु शब्द पिहाँवल ।
- ज) धका ब्वंबले 'जरा मरण समतिक्रमणः' जरा मरण ज्वी म्वाकेगु जत्न यायमा धैगु शब्द पिहाँवल ।

- भ) धका ब्वंबले 'भूषध्वज वल निग्रहणः' कामदेवयात जितय यायमा धैगु शब्द पिहाँवल ।
- ज) धका ब्वंबले 'ज्ञापन' बोधिज्ञानयात म्हसीकेमा धैगु शब्द पिहाँवल ।
- ट) धका ब्वंबले 'पटोपच्छेदन' वस्त्रयात शस्त्रं छुतय यायथें प्रवृत्ति यात निवृत्तिं छुतय यायमा धैगु शब्द पिहाँवल ।
- ठ) धका ब्वंबले 'ठपनीय प्रश्न' सज्जनयाके ज्ञान न्यनेमा धैगु शब्द पिहाँवल ।
- ड) धका ब्वंबले 'डमर मारनिग्रहणः' नाना विघ्नरूपी मारयात हटय यायमा धैगु शब्द पिहाँवल ।
- ढ) धका ब्वंबले 'मीढ विषया' अशुचिवस्तु (मलमुत्रादि) त्याग यायथें मभिंगु विषय दक्वं त्याग यायमा धैगु शब्द पिहाँवल ।
- ण) धका ब्वंबले 'रेणुल्केशा' दुःख धैगु ब्वयाच्चंगु धूया प्रमाणं दु धैगु शब्द पिहाँवल ।
- त) धका ब्वंबले 'तथता सम्भेदन' तथागतपिसं आज्ञादयका वंगु बोधिज्ञान धारणा याना क्लेशरूपी पापयात नाश यायमा धैगु शब्द पिहाँवल ।
- थ) धका ब्वंबले 'थामबल बेग वैशारद्य' सहन शीलता बलयागु बेग बढय यायमा धैगु शब्द पिहाँवल ।
- द) धका ब्वंबले 'दानदन संयम सौरभ्यः' लोके सुन्दरता बढय यायत इन्द्रिय यागु विषययात रोकय याना चित्तयात शान्त याना धन द्रव्यादि दान यायमा दान यानागुया फल—  
दानयागु पुण्यं लोके तिसां तीर्थें शोभा दै, दानयागु पुण्यं (दुर्गति) पशु-पक्षी, प्रेत नरकादि मभिंगु गति वने मालिमखु दानयागु पुण्यं स्वर्ग वनेत स्वांहाने छुनागु ज्वी, दानयागु पुण्यं हे लोके नाना उपद्रव विघ्न शान्त जुया प्राणीयात शुभ कल्याण ज्वी धैगु शब्द पिहाँवल ।
- ध) धका ब्वंबले 'धनमार्याणाम् सप्त विधम्' सज्जनया धन न्हयता—



श्रद्धा, स्वभाव, लज्जा, भय, शास्त्र, त्याग, ज्ञान श्व न्हयता सज्जनया  
कल्याण ज्वीगु धन धैगु शब्द पिहाँवल ।

- न) धका ब्वंबले 'नामरूप परिज्ञानम्' नाम व रूप बांलाक सीकेमा धैगु  
शब्द पिहाँवल ।
- प) धका ब्वंबले 'परमार्थः' संसारे जन्मजुया उत्तमगु बृत्ति परमार्थ हे  
साधना यायमा धैगु शब्द पिहाँवल ।
- फ) धका ब्वंबले 'फलप्राप्ति साक्षात् क्रिया' क्रियायागु द्वारं साक्षात्  
फलपावे ज्वी धैगु शब्द पिहाँवल ।
- ब) धका ब्वंबले 'बन्धन मोक्षः' विषय रूप बन्धनं छुतय जुया वनेगु  
(मोक्ष) धैगु शब्द पिहाँवल ।
- भ) धका ब्वंबले 'भवति भवः' गुथायतक विषययागु बन्धनं छुतय मजुल  
उथायतक श्व संसारं छुतय ज्वी मखु धैगु शब्द पिहाँवल ।
- म) धका ब्वंबले 'मदमानोपशमनः' धन यौवनादिं मत्ता ज्वीगु अभिमानयात  
नाश यायमा धैगु शब्द पिहाँवल ।
- य) धका ब्वंबले 'यथाबद्धर्म प्रतिषेध' सकल विषययागु फलयात त्याग  
याना गथे बोधिज्ञाने कनातल वथें निर्बृति मार्गयागु सद्धर्म साधना  
यायमा धैगु शब्द पिहाँवल ।
- र) धका ब्वंबले 'रत्यरति परमार्थरति' कामस रत मजुसे परमार्थस  
रत ज्वीमा धैगु शब्द पिहाँवल ।
- ल) धका ब्वंबले 'लताच्छेदनः' लोभ, मोहरूपी सिमायागु कच्चा, गुँखियात  
छेदन यायमा धैगु शब्द पिहाँवल ।
- व) धका ब्वंबले 'वरयान' यानमध्ये महायान तःधं धैगु शब्द पिहाँवल ।
- श) धका ब्वंबले 'शमथ विपश्यना' चित्तशान्त यायत समाधि व (प्रज्ञा)  
ज्ञान दयकेमा धैगु शब्द पिहाँवल ।
- ष) धका ब्वंबले 'षडायतन निग्रह षडभिज्ञ ज्ञानावाप्ति' षडायतन यात



निरोध याना षडभिज्ञ ज्ञान साधन यायमा धैगु शब्द पिहाँवल ।

- स) धका ब्वंबले 'सर्वज्ञज्ञानाभि सम्बोधन' सर्वज्ञता प्राप्तजुईगु बोधिज्ञान यात संबोधन यायमा धैगु शब्द पिहाँवल ।
- ह) धका ब्वंबले 'हतल्केशविरागः' दुःखयात नाशयायत राग मदयकेमा धैगु शब्द पिहाँवल ।
- क्ष) धका ब्वंबले 'क्षण पर्यन्ताभिलाष सर्वधर्मः' सकल धर्मयागु इच्छा क्षणमात्र जक चोनि धैगु शब्द पिहाँवल ।

थुगु प्रकारं बोधिसत्वयागु अनुभभावं छगः छगः आखःयागु विशुद्धि ज्ञान आदि कोष, काव्य, अलङ्कार नाना शास्त्र सया धर्म संवाद याइपिंजुया कथंथें सकल ज्ञानगूणं पुरे जुया अनुत्तर बोधिज्ञान लाना मोक्ष वने धका इच्छा याईपिं जुल । थुगु प्रकारं पाठशालास आखः ब्वनाच्चंपिं भिद्वल कुमारपिं सकलें सकल शास्त्रं पारंगत जुया अनुत्तर बोधिज्ञान लाना मोक्ष वने धका इच्छायागु दरवारस बिज्याम्ह शुद्धोदन महाराज प्रमुखं सकल शाक्यगणपिसं सिया अद्भूत चाया च्वन ।

हे भिक्षुगणपिं, बोधिसत्वयागु प्रभावं थथिंगु हेतु प्रत्यय जुल । थथिंजापिं खुद न्ह्यद दुपिं मचातसें बोधिज्ञान लाना मोक्षवने धका मती इच्छायात बरा आश्चर्य ! थ्व दक्कं संगत गूणयागु फलधका छिमिसं सीकि ।

थनंलि शुद्धोदन महाराजं राजकुमार प्रमुखं भिद्वल दारकापिं सकलें कथंथें सकल शास्त्रं पारंगत जुसेलिं न्हापा गथे राजकुमारयात लिपिशालास बिज्याकल वथें भिद्वल दारकापिसं सहितयाना राजकुमारयात न्हयो न्हयो तया महामङ्गल-उत्सव सिन्दुर जात्रायाना महाहर्षनं राजकुलस दुत बिज्याका सुख आनन्दनं बिज्याका तलधका श्री भगवानं भिक्षुसङ्घ सभालोकपिन्त आज्ञादयका बिज्यात ।

इति श्री ललितविस्तरे लिपिशालासन्दर्शनपरिवर्तः नाम दशमोऽध्यायः ।



## श्री बसुन्धरा देवीयात नमस्कार ।

शरण महालक्ष्मी कुमारी बसुन्धरा, प्रभुयागु चरणे दानं शीर तया ॥ध्रु॥

जवयागु ख्वाल कुमकुम वर्ण, खवयागु ख्वाल ह्यंगुली वर्ण ।  
दथुयागु ख्वाल म्हासुगु वर्ण, सूर्य समानं तेज थिना च्वंम्ह ॥१॥  
रत्नया मुकुटं शिरस पुयाव, प्रथमगु ल्हातं जपमाला ज्वना ।  
द्वितीय ल्हातं ज्वला न्हाय्कं ज्वना, तृतीय ल्हातं अभय वर बिया ॥२॥  
खवपाखे प्रथमं पुस्तक ज्वना, द्वितीयगु ल्हातं वाग्गी ज्वनाव ।  
तृतीयगु ल्हातं कलश ज्वनाव, दुःखीया उपरे करुणा तयाव ॥३॥  
रत्नया माला तिसा जुल वसया, कलशया द्योने आसन यानाव ।  
दुःखीजन प्राणी उद्धार यायेत, स्वंगुलि रूप कयाव बिज्यात ॥४॥  
थव मचा सरिका प्राणी लहिना, अन्न, धन, रत्न परिपूर्ण बिया ।  
षट्गति योनी गुलि दु प्राणी, थव मचा भालपा मोक्षपद बिया ॥५॥

शरण महालक्ष्मी कुमारी बसुन्धरा, प्रभुयागु चरणे दानं शीर तया ॥ध्रु॥

## बसुन्धरादेवीया धारणी

ॐ नमो भगवत्यै आर्य बसुन्धरायै हूँ हूँ हूँ

श्री धने धने धनैश्वर्यै बसु धारण्यै बरप्रदायै सर्वधान्य

सर्वरत्न बस्त्रालंकार सर्व ब्रीह्या दिन्नि सर्वोपकरण्यै समृद्धि मे  
देहि देहिमे शान्तिकुरु पुष्टिकुरु वर सिद्धि ददापय स्वाहाः ॥

## सुचन्द्रावदानपरिवर्तः

थनंलि श्री भगवान थुखुनुयागु रात्रिबितयेजुया प्रातकाल जुसेंलि भिक्षुगणपिं सकलें मुंका कौशांवीधैगु नगरस बिज्याना घोषिलधैम्ह महाजनं दयका तःगु घोषिला धैगु उभानस बिज्याना लोकपिं सकलेंमुंका धर्म उपदेशबिया बिज्याना च्वन । अनलि थुगुदेशस बिज्याम्ह धर्मपालराजां श्री शाक्यमुनि भगवान बिज्यात धैगु समाचार न्यना हर्षमानयाना प्रजागणपिं सकलें च्वयका मन्त्री गुरुपुरोहित आदिं लोकपिं सकलें मुंका पूजायायगु सामाग्री ज्वंका छत्र ध्वज प्रताप ब्वयका नानाप्रकार वाद्यथाका उत्साह याना घोषिलाधैगु उभाने बिज्याना श्रीभगवान प्रमुखं भिक्षुगणपिं सकसितं पूजायाना पिण्डपात्र दोहलपा बन्दनायाना धर्म कथा न्यने धका ल्हाहात हाजलपा बिन्तियाना च्वन ।

थनंलि श्री भगवानं धर्मपालराजा आदिं लोकपिं सकसितं बोधिचर्याव्रत यागु धर्म आज्ञा दयका बिज्यात । श्री भगवानं आज्ञादयकुगु उपदेश न्यना राजा बोध जुया श्री भगवानया चरणकमले भोपुया बेलाकया थःगु राजगृहेस लिहाँ बिज्यात । उगुबखतस थुगु नगरस च्वंम्ह सुचन्द्रगृहपति धैम्ह महाजनया काय सुनन्द धैम्ह महाजनं दुर्जनयागु उपदेशन्यना चैत्यस्यंका अःपा स्वपाहया लुखाया दुनेपिने दुकुतियागु लुखाक्वसं थुना तःगुलिं सुचन्द्रगृहपतियाछें धनरत्न आदिं तयातःगु वस्तूदक्वं अनंतु लोपजुया दरि द्रजुया दुःखसिया च्वन । छन्हुयादिने सुचन्द्रगृहपतिं श्रीभगवान बिज्यागु समाचार न्यना श्रद्धादुथे पूजायागु सामाग्री ज्वना घोषिला उभानस वना भिक्षुगणपिं सकलेंमुंका बिज्याना च्वंम्ह मुनीश्वरयात दर्शनयाना हर्षमानयाना



न्हचोनेवना पूजा याना चरणकमले भोपुया जवगुपुलिं पृथ्वीस चुया ल्हाहात हाजलपा बिन्तियात । हे भगवान ! जिंछता बिन्तियाय धकावया छलपोलं आज्ञादयका बिज्याहुँ धका सुचन्द्रगृहपतिं बिन्तियासेलि श्रीभगवानं आज्ञादयका बिज्यात । हे सुचन्द्रगृहपति, छ छुन्यने धका इच्छायाना वया जि न्हचोनेधा छंगु इच्छा पुरे यानाबी धका श्री भगवानं आज्ञा दयकुगु न्यना पुनर्वार हाकनं सुचन्द्रगृहपतिं बिन्तियात ।

हे भगवान ! मेतामखु संसारे लोकपिं दरिद्रजुया दुःखसिया च्वन छु याःसा थुमिगु दरिद्र नाशजुया धनाध्य ज्वी धका सुचन्द्रगृहपतिं बिन्तियासेलि श्री भगवानं सुचन्द्रगृहपति दरिद्रजुया बिन्तियात धका सीका स्यूसानं मस्यूपह याना आज्ञा दयका बिज्यात ।

हे गृहपति ! छंजा दरिद्रयागु स्वभावयाना बिन्तियात । छुयानिति दरिद्र स्वभावयाना च्वना धका श्री भगवानं न्यसेलि सुचन्द्रगृहपतिं मिखास ख्वःबितया बिन्तियात । हे भगवान ! जि दरिद्रजुया च्वना जित छलपोलं उद्धारयाना बिज्याहुँ, छुयाःसा दरिद्र नाशजुया धनाध्यजुइ उगु उपाय जित आज्ञायदका बिज्याहुँ धका सुचन्द्रगृहपतिं बिन्तियागु न्यना श्री भगवानं आज्ञा दयका बिज्यात ।

हे गृहपति ! थुकियागु उपाय दु जिं छन्त कनेत्यना समाधानयाना न्यं । गथे धाःसा- थ्व संसारे सकल तथागतपिनि माताजुया बिज्याम्ह श्री बसुन्धरा देवीयागुब्रत याना धारणी धारणा या । सुनां थ्वसपोलयागु धारणी ब्वना धारणायाइ उम्हसिया दरिद्र नाशजुया अचिंत्य धनसंपत्ति पूर्णजुइ धका श्री भगवानं आज्ञा दयकुगु न्यना सुचन्द्रगृहपति बोधजुया ब्रतयाय धका ईच्छायाना भगवानयाके बिन्तियात ।



हे भगवान ! श्री बसुन्धरादेवीयागु ब्रतदनेत बिधिबिधान छुछुमा । गथेयायगु छलपोलं आज्ञा दयका बिज्याहुँ धका सुचन्द्रगृहपतिं बिन्तियासेलि श्री भगवानं आज्ञा दयका बिज्यात । हे गृहपति, श्वसपोलयागु ब्रत आरम्भयायगुदिन भाद्रकृष्णया तृतीया खुनु वराउत्तम अथवा माघकृष्णया तृतीयाखुनुनिसैं आरंभयाना मासमासपत्तिं ब्रतदने, ब्रतयायखुनु सुथन्हापां दना तीर्थस वना स्नानयाना सुचिगु बस्त्रं तिया परमेश्वरीयाके मन तया पीतमययाना पुष्प दूप दीप आदिं फलमूल तांवूल पकवाननं सहितयाना नाना प्रकारयागु उपकरण दयका श्री बसुन्धरादेवीयागु मण्डल दयका बिधिथें पूजा याना गुरुयातं भक्तिभावतया नमस्कार याना श्री त्रिरत्नयाके शरणवना पूजायाना धारणी ब्वना ब्रतया । थुगु पुण्ययागु प्रभावं दानपतिया गृहेस धनधान्य सुवर्ण आदिं सकतानं परिपूर्ण जुइ । अथेयाकारणे निश्चययाना श्री बसुन्धरादेवीयागु धारणी धारणाया बाचना या परजनपिन्त उपदेश ब्यु छंगु मनोरथ पूर्णजुइ धका श्री भगवानं आज्ञा दयकुगु न्यना सुचन्द्रगृहपति बोधजुया ब्रतयाय धका निश्चयेयाना च्वन । श्व बेलस बसुन्धरादेवीयागु अनुभाव क्षणमात्रनं सुचन्द्रगृहपतिया गृहे न्हापायासिनं दुगंछि भण्डार पूर्णजुया वल ।

थनंलि सुचन्द्रगृहपतिं श्रीभगवानयागु उपदेश न्यना चरणकमले भोपुया बेला कया थःगुगृहेस लिहाँवया सोगु बेलस स्वया स्वया थासे सकभनं पूर्णजुया च्वंगुखना हर्षमानयाना श्री भगवानयात लुमंका तच्चतंप्रेम याना श्री बसुन्धरादेवीयागु धारणी ब्वना संतोषजुया च्वन ।

थनंलि श्री भगवानं आयुष्मानजुया बिज्याम्ह आनन्दभिक्षुयात सःता आज्ञा दयका बिज्यात । हे आनन्दभिक्षु ! छ थथें सुचन्द्रगृहपतियाछें वना स्वयावा । श्वयागु छें कोठा कोठा पत्तिं सकभनं भण्डार दक्कं पूर्णजुयावल धका श्री



भगवानं आज्ञा दयकुगु न्यना आनन्दभिक्षुं श्री भगवानया चरणकमले भोपुया वेलाकया कौशांबी नगरस बिज्याना सुचन्द्रगृहपतिया छँ वना सोगु बेलस स्वया स्वयाथासे सकभनं पूर्णजुया च्वंगु खना आश्चर्यचाया लिहाँ बिज्याना श्री भगवानया चरणकमले भोपुया बिन्तियात । हे भगवान ! बरा आश्चर्य छलपोलं आज्ञा दयकुथें सुचन्द्रगृहपतिया छँ तत्कालन ऐश्वर्यनं पूर्णजुयावल । छुयानितिं थथेजुल छलपोलं आज्ञा दयका बिज्याहुँ धका आनन्दभिक्षुं बिन्तियासैंलि श्री भगवानं आज्ञा दयका बिज्यात ।

हे आनन्दभिक्षु ! मेताकारणंमखु सुचन्द्रगृहपतिं श्री बसुन्धरादेवीयागु धारणी धारणायात थुगु पुण्यया प्रभावं थथिंजागु फललात । अथेयाकारणे छनं निश्चय याना श्रीबसुन्धरादेवीयागु धारणी धारणायाना वाचनायाना परजनपिन्तनं उपदेशब्यु । थुलि यात धाःसा आपालं लोकपिं हितजुइ । सुनां श्री बसुन्धरादेवीयागु धारणी धारणायाइ उम्हसित दुर्भिक्षयागु भय गवलेसं दैमखु । कथंथें धनसंपत्तिनं पूर्णजुया वई धका श्री भगवानं आज्ञा दयकुगु न्यना आनन्दभिक्षु बोधजुया बिज्यात ।

थनंलि सुचन्द्रगृहपतिं थःगुछँ धनसंपत्ति सकतानं पूर्णजुया च्वंगुखना हर्ष मानयाना श्री भगवान प्रमुखं भिक्षुगणपिं सकलें बिज्याका संघभोजनयाके धका मतीतया धर्मपालराजया थासे वना नमस्कार याना बिन्तियात । हे स्वामि ! श्रीभगवानयागु उपदेश न्यना श्री बसुन्धरादेवीया धारणी धारणा यानागुलिं दरिद्र नाशजुया न्हापायासिनं दुगंछि धनसंपत्ति बढेजुयावल अथेयाकारणे श्री भगवान प्रमुखं भिक्षुगणपिं सकलें बिज्याका भोजनयाके धका इच्छाजुया श्री भगवानयात निमन्त्रणायायत छलपोलनं बिज्याहुँ धका धर्मपालराजा आदिं लोकपिं सकलेंमुंका नानाप्रकारं बाद्यथाका राजायात न्ह्योन्ह्योतया घोषिला उभानसवना श्री भगवानयात पूजायाना चरण

कमले भोपुया बित्तियात ।

हे भगवान ! छलपोलयागु दयां शून्यजुया च्वंगुछें न्हापायार्थें सकतानं पूर्ण जुयावल अथेयाकारणो छलपोल प्रमुखंभिक्षुगणपिं सकलें बिज्याका भोजनयाकेगु इच्छा जुल जिगुगृहेस बिज्याहुँ धका सुचन्द्रगृहपतिं बित्तियात । सुचन्द्रगृहपतिं बित्तियागु न्यना श्री भगवानं भिक्षुसंघपिं सकलेमुंका सकलयात आनन्दयानां कौशांबीनगरे द्वाहाँ बिज्याना कथंथें सुचन्द्रगृहपतियागु लुखाक्वस थ्येका बिज्यात ।

थनंलि सुचन्द्रगृहपतिं श्री भगवान प्रमुखं भिक्षुगणपिं सकसितं पादार्घयाना वसःलाया दुतब्बनायंका आश्रमस बिज्याका पूजायाना दानयाना भोजनयाका शुद्धयाना श्री भगवानया न्ह्योनेच्चना ल्हाहात हाजलपा बित्तियाना च्वन । अनंलि श्री भगवानं सुचन्द्रगृहपति धर्मपालराजा निम्हसितं श्री बसुन्धरा देवीयागु गुणमहात्म्यकना ब्रतयायगु धारणीब्बनेगु गवलें त्वतेमते धका उपदेशबिया आश्रमदना भिक्षुगणपिं सकलें सहित याना घोषिला उभानस बिज्याय धका बिज्यात । श्रीभगवान बिज्यागु खना सुचन्द्रगृहपतिं लंसोवने धका धर्मपालराजा प्रमुखं लोकपिं सकलें मुंका नाना प्रकार वाद्य थाका तच्चतं उत्सवयाना घोषिला उभानस बिज्याकल ।

इति श्री रत्नमालावदाने सुचन्द्रावदानपरिवर्तः नाम पंचत्रिंशति ध्याय ।





## उपोषतव्रत

जगतया नाथ करुणाया खानी  
भजलपे अमोघ पाशया नाम ।  
लोकहित यायगु मननं भाषा  
याय जुल जिनं थुगुरिती नेम ॥१॥

सुचि स्नान याना शुद्ध वस पुना  
वने जुल शरण काय बाक चितं ।  
फलफुल सकल स्वान सितुआदि  
श्वय मखु जिनं व्रतयागु दिने ॥२॥

यायमखु हिंसा थनिं निस्यें सदां  
प्राणिहत्या धाको तोतेजुल जिनं ।  
करपिंगु धने कायमखु जिनं  
परयागु जुको तयमखु लोभं ॥३॥

ब्रम्हाचर्य्य आदिं स्यंकेमखु जिनं  
परयागु धर्मे वनेमखु हानं ।  
ल्हाय्मखु जिनं मखुगु बाक्य आदिं  
असत् बाक्य फुक्कं तोतेजुल जिनं ॥४॥

अय्ला श्वें आदिं मद्यपान दक्कं  
दयाचोक फुक्कं तोतेजुल जिनं ।  
बाहिलिपा थंनी नयेमखु जिनं  
छक्कजक पालं यायेजुल जिनं ॥५॥

प्याखें आदि जात्रा सोयमखु जिनं  
गीत बाद्य दको थाये मखु जिनं ।  
बुयेमखु जिनं अत्तर नस्वा चिकं  
क्वखायेमखु स्वानं तियेमखु सिन्ह ॥६॥

तधंगु तव्यागु लासा आदिं लाया  
द्यनेमखु जिनं खाता फुंग तया ।  
तियेमखु तिसां थियेमखु लुं वह  
तोते जुल जिनं थुलि ब्रत दिने ॥७॥

## अनुत्तरबोधि

अनुत्तर बोधि ज्ञानया पदबी  
लायमाल याकनं दयाचोको लोके ।  
मुनाचोन दुःख आपालं जगते  
थ्व दुःख याकनं फयनेमाल दैब ॥१॥  
हे गुरु बुद्ध धर्म व संघ  
गन छपिके जिवया शरण ।  
बोधि हे ज्ञान मलातले हानं  
जिं याना दान पुण्यया भाब ॥२॥  
षत्गति सत्त्व प्राणिपिं धाक्व  
लायमाल बुद्ध पदबिया धाम ।  
हे गुरु भाग्य कृपा छपिके  
फोनागु ज्ञान बिब बरदान ॥३॥  
महामृत्यु वैगु अवस्थाय् जिमित  
रोग आदि कष्ट छुहे मजुइक ।  
सुमरणा याना दको गुरुपिंगु  
दको प्राणियात सुखबिये फैगु ॥४॥  
स्मृती भिंगु क्वातुक्क ज्वना  
अवतार जिमिसं कावने फयेमा ।



हे गुरु मञ्जु श्रीगुरु छपिंके

फोनागु ज्ञान बिइ धैगु आसा ॥५॥

संसारया अबिद्या फुकेगु सुबिद्या

जगत हित जुइगु तथागतया चर्या ।

यायफैगु ज्ञान गुरुपिंगु ध्यान

बियेमाल जिमित धर्मया मान ॥६॥

## स्थिरमदु

स्थिरमदु श्वसंसारे स्वव मनुष्यनं, म्हिगवल थनिवल जन्मया भूमि । पर्वतं  
कोब्बावल छुजुल संसार ॥ धु ॥ तन्नमामिदेव बुद्ध धर्म संघ ॥ स्थिरमदु  
श्वसंसारे यावदानपुण्य, दानस्थिर इष्टबन्धु मेवसुनं मदु । लंखया भंबलथें  
चोनेदत भतिचा ॥ तन्न० २ ॥ थुलिया निमिर्तिनं धर्म कर्म भालपे, धर्म ३  
कर्म धर्मनं तनिव । पाप ३ कर्म पापनं तनिव ॥ तन्न० ३ ॥ स्येनानं कनानं  
भालपे मफुत, परमेश्वर सुमलपा थुगुज्ञान दयिव । अलसी अज्ञानिनं छु धर्मनं  
खनीव ॥ तन्न० ४ ॥ प्याक खिप गथि फेनाथ्ये पापफुके सोहुने, सक्वो  
फक्वो पुण्ययाना भाग्ये दयेके सोहुने । भाग्यजक दतसानं वयाछुया धन्दा ॥  
तन्न० ५ ॥ येथावने येथाचोने वयाछुया धन्दा, पापिम्ह मनुष्यनं अतिदुःख  
शियिव । सिनानं म्वानानं जन्मपतिं दुःख ॥ तन्न० ६ ॥ परलोक वनेयात  
पासासुनं मदु, थमं याना पापपुण्य थव ल्यूल् वयिव । कुम्हालया घःचा हुचथे  
हितुहिला वयिव ॥ तन्न० ७ ॥ ज्ञानीगुणी लोकस्यन भालपे सोहुने, कलिजुगस  
खकोजुको निपुण्य खल्हाहुने । कथनं अखयाना अवजस बियिव ॥ तन्न० ८ ॥  
लोकनाथ श्री निवास अति धर्मराज, प्रजासुखि यातसानं वया प्रतिपाल ।  
द्रारिद्र दुःखिखना करुणा सुयांमदु ॥ तन्नमामिदेव बुद्ध धर्म संघ ॥ ९ ॥

## ॥ दिप ज्वाला ॥

ॐ नमो बुद्धाय ॥ ॐ नमो धर्माय ॥ ॐ नमो संघाय नमो नमः ॥

दीपोयं सर्व दिक्षान्त दीपज्वाला तमप्रभं ॥

धौषयामि प्रशमशान्तं सर्व ज्ञान प्रशीधय ॥१॥

आदौकल्याणं मध्येकल्याणं पर्योवसाने कल्याणं सौम्यं सोढ्यञ्जनं  
केवलं परिपूर्णं परिशुद्धं पर्योवदाता ब्रम्हचर्य संप्रकाशयन्तिस्मः ॥२॥

ॐ नमो बुद्धाय ॥ ॐ नमो धर्माय ॥ ॐ नमो संघाय नमः ॥



## ॥ वज्रसत्त्व धारणी ॥

ओंवज्रसत्त्व समय मनुपालय वज्रसत्त्व त्वेनो प्रतिष्ठ  
दृढो मेभव, सुतोष्यो मेभव, सुपोष्यो मेभव, अनुरक्तो  
मेभव, सर्व सिद्धि ममे प्रयच्छ सर्व कर्म सुचमेचित्त  
श्रेयं कुरु हूं ह ह ह ह हो भगवान सर्व तथागत वज्र  
मामे मुञ्च वज्री भव महासमय सत्त्व आः ॥ ॥

ये धर्मा हेतु प्रभवा हेतुस्तेषां तथागतः ॥

ह्यबद् तेषाञ्च योनिरोध एवंबादि महाश्रवणः ॥





